



ШЫН

1925 чылдың август 31-де үнүп эгелээн

№ 21 (16479)

2002 чылдың
ФЕВРАЛЬ 19,
вторник.

Ат салган
шагы 21.00

Садар өртээ
3 рубль.

Бедик шаңналдар-биле

АК СЕТКИЛДИГ АЖЫЛЫ ДЭЭШ

Тыва Республиканың Президентизи Ш.Д.Ооржақтың 2002 чылдың февраль 9-та № 1133 Чарлыгын езугаар "Каа-Хем" хөмүр-даш каттышкан бүдүрүлгезиниң Чадаана участогунун ажылдакчыларын шаңнаан.



ЧУРУКТА: шаңнал үезинде.
Василий БАЛЧЫН-ООЛДУН тырттырган чуруу.

Тыва Республика Ордени-биле
Экскаватор машинизи Борис Одай-Дамбаевич КУУЛАРНЫ;
Тыва Республиканың "Шылгараңгай күш-ажыл дээш" медаль-биле
Экскаватор машинизи Сергей Эрензенович ДОНГАКТЫ шаңнаан.
"Тыва Республиканың алдарлыг ажылдакчызы" Хүндүлүг атты
"Каа-Хем" хөмүр-даш уургайы ФУКБ-ниң Чадаана участогунун начальниги Эдуард Эдер-оолович ОНДАРГА;
Даг ажылдарының участок начальниги Анатолий Очур-оолович ОНДАРГА тывыскан.
Тыва Республиканың Президентизиниң Хүндүлел бижим-биле
Экскаватор машинизи Евгений Хуралович КАРА-ХУНАНЫ;
Экскаватор машинизи Седен Николаевич КАРА-САЛДЫ;
БелАЗ машинаның чолаачызы Сот Очур-оолович САТТЫ шаңнаан.

ТР-ниң Президентизиниң 2002 чылдың февраль 9-та № 1129 Чарлыг-биле "Тыва Республиканың алдарлыг ажылдакчызы" Хүндүлүг атты "Тыва энергия" ААН-ниң чингине директору Анатолий Иванович ВЕРЗАКОВКА тывыскан.

ТР-ниң Президентизи Ш.Д.Ооржақтың 2002 чылдың февраль 9-та № 1130, 1131, 1132 Чарлыктарын езугаар **Тыва Республиканың Президентизиниң Хүндүлел бижим-биле**
Тываның Гуманитарлыг шинчилелдер институтунда улуг эртем ажылдакчызы Светлана Монгушевна БИЧЕ-ООЛДУ;
Улуг-Хем кожуунда Хайыракан сумузунун чагырга даргазының оралакчызы Мария Сатовна ОЧУРНУ;
Кызылда автоорук техникумунун директорунун өөредилге ажылының талазы-биле оралакчызы Людмила Михайловна ТАШТАН-ДИНОВАНЫ;
Кызылда автоорук техникумунун директорунун кижизидилге ажылының талазы-биле оралакчызы Галина Дмитриевна ЧЕБОТАРЕВАНЫ шаңнаан.

Эртем талазы-биле ачы-хавыялары болгаш хөй чылдарда ак сеткилдиг ажылы дээш Тыва Республиканың Эртем болгаш өөредилге албан черлериниң херектериниң талазы-биле күрүне комитединиң даргазы Сонгукчу Сазыг-оолович МОНГУШКА "Тыва Республиканың эртемниң алдарлыг ажылдакчызы" Хүндүлүг атты Тыва Республиканың Президентизиниң 2002 чылдың февраль 12-де № 1134 Чарлыгын езугаар тывыскан.

ТР-ниң Саң-хөө ямызында

ТУРУМ АЖЫЛДААРЫН ХАНДЫРАРЫ-БИЛЕ

ТР-ниң Саң-хөө ямызының дыңнадыры болза, чылыг-энергетика бүдүрүлгелериниң турум ажылдаарын хандырар сорулга-биле февраль айда 27,7 млн. рубльди дараазында бүдүрүлгелерге шилчиткен:

Республиканың одаар чүүл сайгарар конторазына 6,2 млн. рубль

"Каа-Хем" хөмүр-даш уургайынче — 1,3 млн. рубль

"Водоканалче" — 1,7 млн. рубль

Ак-Довурак ЧЭТ-че — 1,8 млн. рубль

"Тываэнергоже" — 7,5 млн. рубль

"Тывакоммунэнергоже" — 9,2 млн. рубль

Бюджет организациялары бааза бүдүрүлгелери-биле 2002 чылдың февральды кириштир долuzu-биле санашкан, а чамдык бюджет организациялары баш бурунгаар чамдызын төлепкеннер.

"Каа-Хем" хөмүр-даш уургайынче ниитизи-биле 10,8 млн. рубль кирген, ооң иштинде:

Республиканың одаар чүүл сайгарар конторазындан — 3,4 млн. рубль

"Тываэнерго" ААН-дан — 4,4 млн. рубль

Республика бюджетинден — 1,3 млн. рубль

Федералдыг бюджеттен акшаландыртынып турар бюджет организацияларындан — 0,4 млн. рубль

"Тывакоммунэнерго" ККБ-ден — 1,3 млн. рубль кирген.

Кыска медээлер

ЧАА ДАРГА

Тыва Республиканың Аныяктар талазы-биле күркөмтединиң даргазы албан-дужаалга Кызыл-оол Калдар-оолович Кууларны томуйлаан дугайында Чарлыкка ТР-ниң Президентизи—Чазак Баштыны Ш.Д.Ооржак ат салган. Ол моон мурнунда оралакчы дарга бооп бо комитетке ажылдап турган.

МӨӨРЕЙ БОЛУР

Февраль 21-де Улусчу чогаалдыг бажыңыга студентилер аразына "ТАЖЫ-2002" деп мөөрей болур. Аңа Тываның өөредилге черлериниң тулган оолдары киржир, а март айда база-ла студент урулгарының аразына "ДАНГЫНА-2002" эртер.

ЭЭП КЕЛГЕННЕР

Кызылдың хореография школының Алаңтос ансамбли "Эртенги сылдыс" ("Утренняя звезда") деп дамчыдылганын бижидилгезинден ээп келген. Олар дипломат атка төлептиг болганнар.

ЮБИЛЕЙЛИГ ХУРАЛ

ТР-ниң Арбитраж судунун хуралдар залына юбилейлиг отчеттук хурал болган.

ТР-ниң Арбитраж судунун даргазы Лориса Күр-Базыровна Маады эрткен отчеттук чылда Арбитраж судунун ажылын таныштырып тура, тургустунуп келген 10 чылдарның дургузунда Арбитраж судунун ажылына ханы сайгарылганы, деңнелгени кылган.

Л.К.Б.Маадының илеткелиниң соонда Арбитраж судунун даргазының оралакчызы М.Д.Данзырын чүве чугаалааш, арбитраж судьялары 13 кижиге херек көөр апаарга, чангыс олла кижиге элээн каш бүдүрүлгелерге томуйлаттырып, суд ажылы хары угда суг апаарын демдеглээн. Ооң түңнелинде күүр херектериниң хуусаазы узаы бээр. А.А.Абрамова орулгага чангыс аай үндүрүг дугайында дыңнадылганын күш чок болдурганының дугайында хомудалдарның өзүп турарын болгаш РФ-тиң Үндүрүг кодекзиниң 3 чүүлүнге даянган, ону хандырган, элээн каш таварылгаларда үндүрүг тыртарындан ойталаар дугайында шийтпирлерни хуусаа хажыдышкыннары дээш хүлээп алганын чугаалап тура, кайы кожууннардан кандыг билдиришкиннер кээп турарын, кайы кожууннардан чангыс-даа билдиришкин келбээнин каксы тайылбырлаан.

Судьяның дузалакчызы В.Я.Белекпен ККМ-ни тургузарының дугайында чөрүлдээлерни сайгарып, кандыг транспорт аймаанга ККМ турарын болгаш юридиктиг албан черлериниң ККМ чокка ажылдаар адырларының даңзын сагып турарының дугайында дыңнаткан.

Айлаң ДАРЖАА.



Сөөлгү шакта

◆ Россияның бир хамаатызын өлүрүп шииндер дугайында доктаалды Араб Эмиратының суду хүлээп алган. Ол хамааты 1 млн. доллар ажыг өртектиг бриллиант чажырып турганы илерээн.

◆ Сахалин ортулуктан 26 балыкчы дош кырындан балыктап турган. Оларның турганы эрик кыдындан элээн ыракка турган дошту күштүг хат адыра шаап аппаратан.

Балыкчыларның шуптузунун амы-тынын камгалап алган.

◆ Афганистанның түр Чазааның даргазы Хамид Карзай туттурган шериглерге (оларның аразында талибтер база бар) келдерел чарлаарын дыңнаткан. — Туттурган хөй кижилер азыраар артык акша бисте чок, азырадыр орнунга орулгалыг ажыл-агыйдан кылзыннар — деп, Карзай дыңнаткан.

◆ — АКШ-тың талазындан

Иранга удур кыжанышкыннары соксатпас болза, Персид мугулдурунда ажылдап турар нефть бүдүрүлгелерин доозазын үрегдеп, узуткап каар бис — деп, Иран сагындырган.

◆ Бразилияга чыл санында болур шоу-карнавалга белеткелдер колдуунда доозулган. Муң-муң чанагаш танчычылар хөй кижилерни кайгадыр, шоу-карнавалды көөрү-биле даштыкы чурттардан 400 муң ажыг кижиге кээр. Шалдаң чыгыы кыстар танчылай бээрге, кым көрүксевес деп.

◆ СОЛТ-ЛЕЙК-СИТИДЕ 19-ку кышкы олимпий оюннары

уламчылап турар. Олимпиаданың баштайгы хүнүнде Россияның хаакчызы Л.Лазутина 15 км. черге хостуг старт-биле маңнаарына ийги черни ээлээш, мөңгүн медаль-биле шаңнаткан. Ийги хүнде фигурлуг чуңгулаашкына ыяап-ла кылыр программага россия спортчулар Антон Сизуралидзе болгаш Марина Бережная ам дээрезинде мурнап турар. Ийги танчы программасына мурнаар болза, алдын медаль алырлар.

(АГЕНТИЛЕЛДЕР МЕДЭЭЛЕРИНДЕН).

